

# შპს „საქართველოს მელიორაცია“



პოლიეთილენის მილის შესყიდვა

ელექტრონული პროცედურის დოკუმენტაცია

(საბიუჯეტო სახსრები)

---

წინამდებარე დოკუმენტაცია შედგენილია 2015 წლის 14 სექტემბრის საქართველოს მთავრობის N478 დადგენილებით დამტკიცებული „შპს „საქართველოს მელიორაციის“ მიერ საქონლისა და მომსახურების შესყიდვის სპეციალური წესის“ საფუძველზე.

ქ. თბილისი  
2017 წელი

## ს ა რ ჩ ე ვ ი

1	ინსტრუქცია ელექტრონულ პროცედურაში მონაწილეთათვის	3
2	ტექნიკური დოკუმენტაცია (თანდართული დანართებით №1; 2.)	4
3	საქონლის შესყიდვის შესახებ ხელშეკრულების ფორმა	8

## **1. ინსტრუქცია შესყიდვის ელექტრონულ პროცედურაში მონაწილეთათვის**

**1.1** პროცედურები ხორციელდება 2015 წლის 14 სექტემბრის საქართველოს მთავრობის N478 დადგენილებით დამტკიცებული „შპს „საქართველოს მელიორაციის“ მიერ საქონლისა და მომსახურების შესყიდვის სპეციალური წესის“ შესაბამისად.

**1.2.** შესყიდვის ელექტრონულ პროცედურაში მონაწილეობის მისაღებად პრეტენდენტს შეუძლია წარადგინოს წინადადება, წინადადების მიღების ვადის დაწყების ეტაპიდან წინადადების მიღების ვადის დასრულებამდე.

**1.3** წინადადების წარდგენამდე ნებისმიერ პირს აქვს უფლება, სისტემაში გაეცნოს განცხადებასა და დოკუმენტაციას.

**1.4.** წინადადების წარდგენა შესაძლებელია მხოლოდ სისტემის მეშვეობით. პრეტენდენტის მიერ ატვირთული უნდა იქნეს დოკუმენტაციით მოთხოვნილი ყველა დოკუმენტი.

**1.5.** მოთხოვნილი დოკუმენტების ატვირთვის შემდგომ, პრეტენდენტმა სისტემის შესაბამის ველში უნდა მიუთითოს წინადადების ფასი, რომელიც არ უნდა აღემატებოდეს შესყიდვის ობიექტის სავარაუდო ღირებულებას ან/და უნდა იყოს შესყიდვის ობიექტის სავარაუდო ღირებულებაზე სულ მცირე, ერთი ბიჯით ნაკლები. ტექნიკური დოკუმენტაციის ატვირთვისა და წინადადების ფასის მითითების შემდეგ, დაუმზებელია ატვირთული ტექნიკური დოკუმენტაციის შეცვლა, დამატება, გაუქმება ან წაშლა.

**1.6.** ელექტრონული ვაჭრობის წესი და პირობები განისაზღვრება მოქმედი კანონმდებლობით.

**1.7.** კომისია წარმოდგენილ წინადადებებს განიხილავს გონივრულ ვადაში, რომელთა შედეგებს გამოაქვეყნებს სისტემის მეშვეობით.

**1.8.** დაზუსტებული ტექნიკური დოკუმენტაციის წარმოდგენისათვის პრეტენდენტებს განესაზღვრება ვადა არაუმეტეს 3 სამუშაო დღით.

**1.9.** შესყიდვის ელექტრონულ პროცედურაში მონაწილე პირის მიერ დაზუსტებული დოკუმენტაციის წარმოდგენლობის ან/და წარმოდგენი დაზუსტებული დოკუმენტაციის განცხადებასთან ან/და ელექტრონული პროცედურის დოკუმენტაციის მოთხოვნებთან შეუსაბამობის შემთხვევაში პრეტენდენტი დაექვემდებარება დისკვალიფიკაციას.

**1.10.** ხელშეკრულების შესრულების გარანტიის წარმოსადგენად და ხელშეკრულების გასაფორმებლად პრეტენდენტს განესაზღვრება ვადა არაუმეტეს 5 სამუშაო დღის ოდენობით.

## 2. ტექნიკური დავალება

### 2.1 შესყიდვის ობიექტის ტექნიკური მახასიათებლები:

2.1.1 შესყიდვის ობიექტია პოლიეთილენის მილები, ცხრილში მოცემული ტექნიკური მახასიათებლების და რაოდენობის შესაბამისად.

N	დასახელება	ტექნიკური მახასიათებლები	რაოდენობა/განზო მილება
1	პოლიეთილენის მილი	PE100 SDR-17 d-315მმ, pn-10 (სტანდარტი 1 ცალი მილი -12 მეტრი, ცდომილება 12 მეტრიან მილზე +/- 1,5სმ). შემოთავაზებული და მოწოდებული საქონელი უნდა შეესაბამებოდეს EN 12201, EN 805; EN 806, DIN 1988 სტანდარტებს, ხოლო მილების დამზადებისთვის გამოყენებული ნედლეული უნდა კლასიფიცირდებოდეს ISO/TR 9080.	1308 მეტრი

2.1.2. შემოთავაზებული საქონელი უნდა იყოს ახალი, ქარხნული წარმოების, მოხმარებისთვის ვარგისი, უნაკლო და მაღალი ხარისხის.

### 2.2 საქონლის მიწოდების, ასევე გარანტიის ვადები და პირობები

2.2.1 საქონლის მიწოდება უნდა განხორციელდეს მიმწოდებლის მიერ, მისივე ხარჯებით ხელშეკრულების გაფორმებიდან ელექტრონული პროცედურის დოკუმენტაციის დანართი №1-ით გათვალისწინებული ვადების, პირობებისა და ადგილის შესაბამისად;

2.2.2 მოსაწოდებელი საქონლის საგარანტიო ვადა და პირობები განსაზღვრულია და მოცემულია ხელშეკრულების პროექტში.

### 2.3 ანგარიშსწორების პირობები:

2.3.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდების ადგილზე მიწოდებასთან დაკავშირებული ყველა გადასახადის და მიწოდებასთან დაკავშირებული ყველა ხარჯის გათვალისწინებით (მათ შორის დ.დ.გ., ტრანსპორტირების ხარჯი საწყობისა და საბოლოო მიწოდების ადგილამდე და სხვა).

2.3.2 ანგარიშსწორება მოხდება უნაღდო ანგარიშსწორებით ლარში.

2.3.3 ანგარიშსწორება მიმწოდებელთან განხორციელდება, საქონლის მიწოდების შემდეგ, მიღება-ჩაბარების აქტის გაფორმებისა და მიმწოდებლის მიერ საქართველოს კანონმდებლობით დადგენილი შესაბამისი საგადასახადო დოკუმენტების (საგადასახადო ანგარიშ-ფაქტურა ან იმ შემთხვევაში თუ მიმწოდებელი არ არის დღგ-ს გადამხდელი შესაბამისი ცნობა სსიპ „შემოსავლების სამსახურიდან“) წარმოდგენიდან არაუგვიანეს 10 (ათი) სამუშაო დღის განმავლობაში.

2.3.4 ხელშეკრულების მიმდინარეობის პერიოდში შესაძლებელია განხორციელდეს წინასწარი ანგარიშსწორება შემსყიდველის მიერ განსაზღვრული და მასთან წინასწარ შეთანხმებული ოდენობის შესაბამისად, მაგრამ არაუმეტეს ხელშეკრულების ჯამური ღირებულების 30%-ისა. წინასწარი ანგარიშსწორების შემთხვევაში ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საქართველოს კანონმდებლობის შესაბამისად საქართველოში რეგისტრირებული საბანკო დაწესებულების მიერ გაცემული საბანკო გარანტიის საფუძველზე წარმოდგენიდან 10 (ათი) სამუშაო დღის ვადაში. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და პრეტენდენტის (ხელშეკრულებით – მიმწოდებლის) საიდენტიფიკაციო კოდი. აღნიშნული გარანტია უნდა იყოს უპირობო, რომელიც ითვალისწინებს შემსყიდველის მიერ სათანადო წესით მოთხოვნილი ანაზღაურების გადახდას (გადარიცხვას) მოთხოვნისთანავე. გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

2.3.5 საქონლის მიწოდების პერიოდში მიმწოდებლის მხრიდან წინასწარი ანგარიშსწორების (ავანსი) მოთხოვნის შემთხვევაში შემსყიდველი უფლებამოსილია დასაბუთებული არგუმენტის საფუძველზე უარი თქვას წინასწარ ანგარიშსწორებაზე.

2.3.6 წინასწარი ანგარიშსწორებისას, ჯერ განხორციელდება წინასწარ (ავანსი) გადარიცხული თანხის გამოქვითვა და შემდეგ დარჩენილი გადასახდელი თანხის ანაზღაურება.

### 2.4 სატენდერო წინადადების გარანტიის ოდენობა და წარდგენის ფორმა

2.4.1 ელექტრონულ პროცედურაში გამოიყენება სატენდერო წინადადების უზრუნველყოფის 1%-იანი საბანკო გარანტია.

2.4.2 სატენდერო წინადადების უზრუნველყოფის 1%-იანი გარანტია, არანაკლებ 1118.00 (ერთიათას ასთვრამეტი ლარი და 00 თეთრი) ლარის ოდენობით პრეტენდენტის მიერ წარდგენილი უნდა იქნას ელექტრონული სისტემის მეშვეობით, პრეტენდენტის მიერ თავდაპირველად სისტემაში სავალდებულოდ ასატვირთ დოკუმენტებთან ერთად.

2.4.3 სატენდერო წინადადების უზრუნველყოფის 1%-იანი გარანტიის ვადა განისაზღვრება წინადადების წარდგენიდან 120 კალენდარული დღის ვადით.

2.4.4 სატენდერო წინადადების უზრუნველყოფის 1%-იანი გარანტია გაცემული უნდა იყოს საქართველოს კანონმდებლობის შესაბამისად საქართველოში რეგისტრირებული საბანკო დაწესებულების მიერ.

2.4.5 იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება მოთხოვნათა სრული დაცვით ატვირთული წინადადების 1 (ერთი) პროცენტის გარანტია, პრეტენდენტის შეთავაზება არ განიხილება და კომისიას შეუძლია მიმართოს წინადადების ყველაზე დაბალი ფასის მქონე მომდევნო პრეტენდენტს.

## 2.5. დამატებითი მოთხოვნები

2.5.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

## 2.6. პრეტენდენტის მიერ სისტემაში სავალდებულოდ ასატვირთი დოკუმენტები:

2.6.1 შესყიდვის ელექტრონული პროცედურის დოკუმენტაციით გათვალისწინებული **დანართი №1 (ფასების ცხრილი)**, აღნიშნულ დანართში პრეტენდენტის მიერ მითითებულ უნდა იქნას შემოთავაზებული საქონლის საერთო და ერთეულის ღირებულებები, შემოთავაზებული საქონლის წარმოშობის ქვეყანა, მწარმოებელი ფირმა და დეტალურად გაშიფრული ტექნიკური მახასიათებლები, ასევე საქონლის მიწოდების ვადები და პირობები) ამავე დანართით გათვალისწინებული პირობების შესაბამისად;

2.6.2. შესყიდვის ელექტრონული პროცედურის დოკუმენტაციით გათვალისწინებული **დანართი №2 (რეკვიზიტები)**, აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად.

2.6.3 სატენდერო წინადადების უზრუნველყოფის 1%-იანი გარანტია. იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება მოთხოვნათა სრული დაცვით ატვირთული წინადადების 1 (ერთი) პროცენტის გარანტია, პრეტენდენტის შეთავაზება არ განიხილება და კომისიას შეუძლია მიმართოს წინადადების ყველაზე დაბალი ფასის მქონე მომდევნო პრეტენდენტს.

2.6.4 შემოთავაზებული მილების PE100 სტანდარტთან შესაბამისობის დამადასტურებელი დოკუმენტი (უცხოენოვანი დოკუმენტის შემთხვევაში ქართულ ენაზე ნათარგმნი და ნოტარიული წესით დამოწმებული).

## 2.7. აუცილებელი პირობა:

2.7.1. შემსყიდველის მიერ მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში, ამასთან შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი და/ან ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) უფლებამოსილების დამადასტურებელი შესაბამისი დოკუმენტ(ებ)ი).

2.7.2. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია ერთეულის ღირებულებები შეამციროს და დაამრგვალოს მესამე დამდე, შესაბამისად შეამციროს საერთო ღირებულებაც.

## 2.8 დაფინანსების წყარო: სახელმწიფო ბიუჯეტი.

## 2.9 დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით, ან/და სატენდერო კომისიის აპარატში, წერილობითი მიმართვის შემთხვევაში. ქ. თბილისი, მარშალ გელოვანის გამზირი #6. საკონტაქტო პირი: მარიამ ნაცვლიშვილი 595044400.

ფასების ცხრილი

№	დასახელება	აღწერილობა (ტექნიკური მახასიათებლები)	წარმოშობის ქვეყანა და მწარმოებელი ფირმა	რაოდენობა/ განზომილება	ერთეულის ფასი	მთლიანი ფასი	მიწოდების ვადა და ადგილი
1	2	3	4	5	6	7	8
1	პოლიეთილენის მილი			1308 მეტრი			ხელშეკრულების გაფორმებიდან 10 კალენდარული დღე  საწყობში მიწოდების ადგილია: თბილისი, ფონიჭალა, რუსთავის გზატკეცილი N26 ან გურჯაანი, სარაჯიშვილის N58  საბოლოო დანიშნულების ადგილია: საგარეჯოს რაიონის მიმდებარე ტერიტორია (20-25კმ რადიუსში)

შენიშვნა:

- დღგ-ს გადამხდელის შემთხვევაში სატენდერო წინადადების ფასი წარმოდგენილი უნდა იყოს დღგ-ს გათვალისწინებით.
- იმ შემთხვევაში თუ პრეტენდენტი არ არის დღგ-ს გადამხდელი გთხოვთ აღნიშნული ინფორმაცია მიუთითოთ შენიშვნის სახით და დააფიქსიროთ რომ ფასი წარმოდგენილია დღგ-ს გარეშე.
- მე-3, მე-4, მე-6 და მე-7 გრაფები ივსება პრეტენდენტის მიერ.

აუცილებელი პირობა:

- მე-3 სვეტში პრეტენდენტის მიერ მითითებული უნდა იქნას შემოთავაზებული საქონლის დეტალურად გაშიფრული ტექნიკური მახასიათებლები, მე-4 სვეტში- წარმოშობის ქვეყნისა და ფირმის შესახებ ინფორმაცია.

პრეტენდენტის ხელმოწერა

ბ.ა.

ხელმოწერის სახელი, გვარი

რეკვიზიტები

პრეტენდენტის დასახელება	
საიდენტიფიკაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმძღვანელის თანამდებობა, სახელი და გვარი	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა \_\_\_\_\_

ბ.ა.

/

ხელმოწერის სახელი, გვარი

წინამდებარე დოკუმენტი წარმოადგენს ხელშეკრულების პროექტს, რომელიც დაიდება ელექტრონული პროცედურის ჩატარების შედეგად პროცედურაში გამოვლენილ გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

### **ხელშეკრულების დამდები მხარეები**

ერთის მხრივ შპს „საქართველოს მელიორაცია“ წარმოდგენილი გენერალური დირექტორის ლევან დვალის სახით (შემდგომში „შემსყიდველი“) მის: ქ. თბილისი, მარშალ გელოვანის გამზ. N6 და მეორეს მხრივ \_\_\_\_\_ მისი \_\_\_\_\_ სახით, (შემდგომში მიმწოდებელი)

### **(ორგანიზაციის დასახელება და იურიდიული მისამართი)**

შემსყიდველმა გამოაცხადა პოლიეთილენის მილების შესყიდვაზე ელექტრონული პროცედურა (GEO-----), რომლის შედეგად მიმწოდებელმა აიღო ვალდებულება აიღოს შემსყიდველს ზემოაღნიშნული საქონელი \_\_\_\_\_ ლარად (მოცემული თანხა წარმოდგენილია ერთიან ელექტრონულ სისტემაში დაფიქსირებული საბოლოო თანხის შესაბამისად).

### **1. ხელშეკრულების საგანი და ღირებულება**

1.1 ხელშეკრულების საგანი: პოლიეთილენის მილები.

1.2 საქონლის დასახელება, ტექნიკური მახასიათებლები, მწარმოებელი ქვეყანა და მწარმოებელი ფირმა, აგრეთვე რაოდენობა, ერთეულის ფასი და საერთო ფასი მოყვანილია დანართი №1-ში, რომელიც თან ერთვის აღნიშნულ ხელშეკრულებას და ითვლება მის განუყოფელ ნაწილად.

1.3 ხელშეკრულების საერთო ღირებულება შეადგენს ----- ლარს

1.4 საქონლის ერთეულის ფასი და ხელშეკრულების ფასი შეიცავს მიმწოდებლის ყველა ხარჯს (მათ შორის ტრანსპორტირების ხარჯი საწყობამდე და საბოლოო მიწოდების ადგილამდე) და საქართველოს კანონმდებლობით დადგენილ ყველა გადასახადს, დაკავშირებულს საქონლის მიწოდებასთან 4.2 პუნქტში მითითებულ მისამართზე.

### **2. ხელშეკრულების შესრულების კონტროლი**

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. საქონლის მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. შესაბამისი შემოწმების აქტის საფუძველზე მიწოდებული საქონლის ხარისხის ხელშეკრულების მოთხოვნებთან - ხელშეკრულების დანართი №1-ში მოცემულ მახასიათებლებთან შესაბამისობის დადგენა და საჭიროების შემთხვევაში ინსპექტირების აქტის გაფორმება.

2.2.3. ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან მიღება-ჩაბარების აქტის გაფორმება და ანგარიშსწორების პროცესის რეგულირება.

2.3. ხელშეკრულების შესრულების კონტროლს ახორციელებს შ.პ.ს. „საქართველოს მელიორაციის“ შესაბამისი სამსახურის თანამშრომელი.

2.4 მოსაწოდებელი საქონლის ხელშეკრულების პირობებთან შესაბამისობაზე კონტროლს ახორციელებს შესაბამისი სამსახურის თანამშრომელი.

### **3. შესყიდვის ობიექტის მახასიათებლები**

3.1 შესყიდვის ობიექტის ტექნიკური მახასიათებლები მოცემულია ხელშეკრულების დანართი №1-ში.

### **4. საქონლის მიწოდების პირობები**

4.1. საქონლის მიწოდება ყველა ხარჯის გათვალისწინებით მიმწოდებელმა უნდა განახორციელოს ხელშეკრულების გაფორმებიდან დანართი N1-ში მოცემული ვადების შესაბამისად.

4.2. საწყობში მიწოდების ადგილია: თბილისი, ფონიჭალა, რუსთავის გზატკეცილი N26 ან გურჯაანი, სარაჯიშვილის N58 საბოლოო დანიშნულების ადგილია: საგარეჯოს რაიონის მიმდებარე ტერიტორია (20-25კმ რადიუსში).



## **5. შესყიდვის ობიექტის მიღება-ჩაბარების წესი**

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული საქონლის შესაბამისად.

5.2. იმ შემთხვევაში თუ, მიწოდებული საქონელი შეესაბამება ხელშეკრულების დანართი №1-ით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს მიწოდებული საქონლის მიღებას, ხოლო თუ, საქონლის მიწოდების პროცესში გამოვლინდება, რომ საქონელი არ აკმაყოფილებს ხელშეკრულების გათვალისწინებულ მოთხოვნებს შემსყიდველს უფლება აქვს არ მიიღოს ნაკლოვანი საქონელი და დაუბრუნოს იგი მიმწოდებელს მიმწოდებლის ხარჯით.

5.3. მიმწოდებელმა შემსყიდველს უნდა წარუდგინოს საქონლის მიწოდებისას მიღება-ჩაბარების აქტი და საქართველოს კანონმდებლობით დადგენილი შესაბამისი საგადასახადო დოკუმენტები.

5.4. ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს შ.პ.ს. „საქართველოს ტელიორაციის“ შესაბამისი სამსახურის თანამშრომელი.

## **6. ანგარიშსწორება**

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით მიმწოდებლის მიერ ფაქტობრივად (მთლიანად) მიწოდებული საქონლის ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების 5.3. პუნქტით გათვალისწინებული საბუთების საფუძველზე, წარმოდგენიდან არაუგვიანეს 10 (ათი) სამუშაო დღის განმავლობაში.

6.4. 6.3 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 5.4. პუნქტში მითითებული პირი.

6.5. ხელშეკრულების მიმდინარეობის პერიოდში შესაძლებელია განხორციელდეს წინასწარი ანგარიშსწორება შემსყიდველის მიერ განსაზღვრული და მასთან წინასწარ შეთანხმებული ოდენობის შესაბამისად, მაგრამ არაუმეტეს ხელშეკრულების ჯამური ღირებულების 30%-ისა. წინასწარი ანგარიშსწორების შემთხვევაში ანგარიშსწორება განხორციელდება მიმწოდებლის მიერ წარმოდგენილი წინასწარ გადასახდელი თანხის იდენტური ოდენობის საქართველოს კანონმდებლობის შესაბამისად საქართველოში რეგისტრირებული საბანკო დაწესებულების მიერ გაცემული საბანკო გარანტიის საფუძველზე წარმოდგენიდან 10 (ათი) სამუშაო დღის ვადაში. აღნიშნულ გარანტიაში მითითებული უნდა იქნას შესყიდვის კონკრეტული დასახელება, აღნიშნულ შესყიდვასთან დაკავშირებით გაფორმებული ხელშეკრულების ნომერი და მიმწოდებლის საიდენტიფიკაციო კოდი. აღნიშნული გარანტია უნდა იყოს უპირობო, რომელიც ითვალისწინებს შემსყიდველის მიერ სათანადო წესით მოთხოვნილი ანაზღაურების გადახდას (გადარიცხვას) მოთხოვნისთანავე. გარანტიის მოქმედების ვადა მინიმუმ 30 კალენდარული დღით უნდა აღემატებოდეს ხელშეკრულების მოქმედების ვადას.

6.6. საქონლის მიწოდების პერიოდში მიმწოდებლის მხრიდან წინასწარი ანგარიშსწორების (ავანსი) მოთხოვნის შემთხვევაში შემსყიდველი უფლებამოსილია დასაბუთებული არგუმენტის საფუძველზე უარი თქვას წინასწარ ანგარიშსწორებაზე.

6.7. წინასწარი ანგარიშსწორებისას, ჯერ განხორციელდება წინასწარ (ავანსი) გადარიცხული თანხის გამოქვითვა და შემდეგ დარჩენილი გადასახდელი თანხის ანაზღაურება.

## **7. მხარეთა ვალდებულებები**

7.1. „მიმწოდებელი“ ვალდებულია:

7.1.1. მიაწოდოს „შემსყიდველს“ უფლებრივად და ნივთობრივად უნაკლო საქონელი;

7.1.2. „შემსყიდველს“ საკუთარი სახსრებით მიაწოდოს საქონელი ხელშეკრულების მე-4 პუნქტით გათვალისწინებული პირობების შესაბამისად და უზრუნველყოს თანმხლები დოკუმენტაციის წარდგენა;

7.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

7.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. ხელშეკრულებით გათვალისწინებული პირობების შესაბამისად აუნაზღაუროს მიმწოდებელს მიწოდებული საქონლის ღირებულება.

7.2.2. დაიცვას ხელშეკრულებით გათვალისწინებული ყველა პირობა.

## **8. გარანტია**

8.1. საქონლის ტექნიკური მახასიათებლები და ხარისხი უნდა შეესაბამებოდეს ამ ხელშეკრულების ფასების ცხრილში (დანართი №1) აღნიშნულ მაჩვენებლებს.

8.1.1. მიწოდებულ საქონელზე საგარანტიო ვადის ათვლა იწყება საქონლის მიწოდების დღიდან და მოქმედებს 7 წლის განმავლობაში.

8.1.2. მიმწოდებელი იძლევა გარანტიას, რომ მის მიერ მიწოდებული საქონელი ტექნიკური მახასიათებლების და ხარისხის თვალსაზრისით სრულ შესაბამისობაში იქნება დანართი №1-ში მოყვანილ მაჩვენებლებთან. ამასთან

მიწოდებული საქონელი იქნება ახალი, ქარხნული წარმოების, არ იქნება დაზიანებული (არ გამოავლენს ხარვეზებს) და იქნება მოხმარებისთვის ვარგისი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს საგარანტიო პერიოდში აღმოჩენილი ნებისმიერი ხარვეზის (დეფექტის) მქონე, ასევე დაზიანებული ან/და წუნდებული ან/და №1 დანართში მოყვანილ ტექნიკურ-ხარისხობრივ მაჩვენებლებთან შეუსაბამობაში მოსული საქონლის შეცვლა ახლით შეტყობინების მიღებიდან 10 სამუშაო დღის ვადაში.

8.2. „შემსყიდველს“ უფლება აქვს:

8.2.1. აწარმოოს მიწოდებული პროდუქციის ხარისხისა და რაოდენობის კონტროლი;

8.2.2. განაცხადოს უარი უხარისხო საქონლის მიღებაზე.

## **9. ფორს-მაჟორი**

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

9.4 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

## **10. ხელშეკრულების პირობების და ფასების გადასინჯვა**

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

10.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

## **11. სადაო საკითხების გადაწყვეტა**

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

## **12. ხელშეკრულების შესრულების შეფერხება**

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

**13. ხელშეკრულების პირობების შეუსრულებლობა**

13.1. შემსყიდველი უფლებამოსილია ამ ხელშეკრულების 4.1 პუნქტით გათვალისწინებული მიწოდების ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.2 %-ის ოდენობით;

13.2. შემსყიდველი უფლებამოსილია ამ ხელშეკრულების 8.1.2 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.2 %-ის ოდენობით;

13.3. მიმწოდებელი უფლებამოსილია ამ ხელშეკრულების 6.3 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე მოცემულ მომენტში გადასარიცხი თანხის 0.2 %-ის ოდენობით;

13.5. იმ შემთხვევაში თუ ხელშეკრულების 13.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 2%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ათავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

**14. ხელშეკრულების შეწყვეტა**

14.1. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზეც მხარემ უნდა აცნობოს მეორე მხარეს.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

**15. ხელშეკრულების მოქმედების ვადა**

15.1. წინამდებარე ხელშეკრულება ძალაში შედის ხელმოწერისთანავე და მოქმედებს 2017 წლის \_\_\_\_\_

**16. განსაკუთრებული პირობები**

16.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

16.2. ხელშეკრულება შედგენილია 3 ეგზემპლარად და თითოეულ მათგანს გააჩნია თანაბარი იურიდიული ძალა; ხელშეკრულების 1 ეგზემპლარი ინახება „მიმწოდებელთან“; 2 ეგზემპლარი „შემსყიდველთან“.

**17. რეკვიზიტები**

„შემსყიდველი“

„მიმწოდებელი“

\_\_\_\_\_

\_\_\_\_\_